



Naaja H. Nathanielsen
Inatsisartunut ilaasortaq, Inuit Ataqatigiit

Umiarsuarni aquttut ilisimasortaqtarnerlu pillugit apeqqutit pillugit

16-07-2013
Sags nr. 2013-086056
Dok. nr. 1275994

Inatsisartut suleriaasianni § 37, imm. 1 naapertorlugu umiarsuarni aquttut ilisimasortaqtarnerlu pillugit apeqqutinik Naalakkersuisunut nassiussaqrputit.

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.nanoq.gl

Apeqqutinnut qujanaq, taakku ataasiakkaarlugit ataani akineqarput.

1. Søjfartsstyrelsep nalunaarutaa nr. 417 28. maj 2009-meersoq naapertorlugu nunatta imartaani umiarsuit 3 sømilip iluani angalasut sumiiffimmik ilisimannittumik aquttoqarnissaannik piumasagaateqartoqarneranik Naalakkersuisut iluoorneraasinnaappat?

Kalaallit Nunaata imartamik oqartussaaffigisaanni umiarsuit isumannaatsumik angalanissaat pillugit teknikkikkut najoqqutaq pillugu nalunaarummi (nr. 417, 28. maj 2009-meersoq) § 5-imi piumasagaataavoq umiarsuit minnerpaamik ataatsimik aquttoqassasut, taassumalu imartamik angallavigisamik pisariaqartumik ilisimasaqarnini uppernarsassavaa. Aamma issittumilu imartani sikoqartunilu angalanermik aquttup misillitagaqarnera ilisimasaqarneralu umiarsuaatileqatigiiffiup uppernarsassavaa. Kisianni § 1, imm. 2 malillugu §§ 5-7 umiarsuarnut nunanit allaneersunut taamaallaat Kalaallit Nunaata imartamik oqartussaaffigisaanik aqqusaartunut atuutinngilaq.

2. Apeqqut 1 akuersaarneqarpat: Naalakkersuisut isumaat naapertorlugu nalunaarut malinneqarpa? Ullumikkullu nalunaarummik malinninnissaq qulakkeerniarlugu qanoq nakkutilliisoqarpa?

Søjfartsstyrelsip suliassaraa umiarsuit nalunaarummik malinninnissaat qulakkiissallugu, isumaqarpungalu tamanna siunertaq malillugu pisoq. Tassungali peqatigitillugu isumaqarpunga maannakkut siunissamilu sinerissami umiarsuit takornariartaatit angalanerulernerat issittumi imartami angalanermi isumannaallisaaanermik sakkortusisitsinissamik pisariaqartitsilersoq.

3. Kalaallit Nunaanni oqartussat umiarsuarnut aalajangersimasunut imaluunniit angissutsinut aalajangersimasunut nalunaarutip pineqartup saniatigut malinneqartussamik umiarsuit ilisimasortaqtarnissaannik piumasaqarnerlu-tik? Assersuutigalugu Eksklusive økonomiske zone-tta (EEZ) iluani malitassat suut piumasagaatigineqarpat?

Ilisimasortaqartarnissamik maannakkut piumasaqaateqartoqanngilaq. Immami angallannermut tunngasut suli tiguneqanngimmata immami angallannermi isumannaallisaaneq pillugu inatsisit Danmarkimi Søfartsstyrelsin ilusilersortarpei. Danskite Folketingiat taamaalilluni majimi 2013-imi immami angallannermi isumannaallisaaneq pillugu inatsimmut allannguuttit arlallit kiisalu isumasortaqartarneq pillugu inatsimmut allannguutit akuersissutigaa. Allannguutit taakku ilisimasortaqartarneq pillugu inatsip ilai Kalaallit Nunaanni atuutilersitsineq pillugu aalajangersakkakkut Namminersorlutik Oqartussanut nassiunneqarput, taannalu 2013-imi ukiakkut ataatsimiinnermi suliarineqassaaq. Aalajangersagaq taanna Inatsisartut akuerissappassuk Erhvervs- og Vækstministeri nalunaarusiornissamut pisinnaatinneqassaaq, tassanilu isumasortaqartarniq pillugu malittarisassat aalajangersimasut aalajangersarneqassapput. Tassani eqqarsaataavoq umiarsuit 250-it sinnerlugit ilaasullit aallaaviusumik ilisimasortaqartussaataassasut.

4. Aatsitassanut inatsisip ataani imaluunniit Suliniutinut angisuunut inatsisip ataani ingerlassanut atatillugu umiarsuartigut angallannermi sumiiffimmik ilisimannittumik tamatigut ilaasoqartarnissamik piumasaqaateqartoqarnerluni? Aappiuppat: Akuersissutinik tunnissaqarnermi tamanna tamatigut piumasaqaataava? Naamiuppat: Pisinnaatissutinik tunniussaqaarnermi inum-mik sumiiffimmik ilisimannittumik ilaasoqartarnissaanik piumasaqaatitalerneratigut siunissaq eqqarsaatigalugu taamaannerata allanngortinneqarnissaa pilersaarutigineqarpa?

Aatsitassarsiorneq pillugu inatsit aamma suliniutit angisuut pillugit apeqqut Peqqissutsimut Attaveqarnermullu Naalackersuisoqarfiup ataaniingillat, taamaammallu apeqqut Inuussutissarsiornermut, Aatsitassarsiornermut Suliffeqarnermullu Naalackersuisoqarfimmut ingerlateqqinneqarpoq, taannalu imatut paasissutissiivoq:

Suliniutini angisuuni illuliortiternernik sanaartornernillu suliassat pillugit Inatsisartut inatsisaanni (nr. 25, 18. december 2012-imeersoq) umiarsuit inummik sumiiffinnik ilisimasaqartumik angallammiititaqarnissaanik piumasaqaateqartoqanngilaq. Suliniutit angisuut pillugit inatsisip atuuffia tassaavoq namminersortut angisuunik sanaartornerisa ilaat pillugit neqerooruteqartitsisarnerit isumaqatigiissiornerillu.

Ingerlatat Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq. ("aatsitassanut ikummatissanullu inatsit") ingerlanneqartut inatsimmi § 19 aamma § 86 naapertorlugu inunnik sumiiffimmik ilisimasaqartunik atuinissaq pillugu piumasaqaateqartoqarsinnaavoq.

Tamanna Kalaallit Nunaanni aatsitassanik atuinissami suliniutini ingerlatsinermi imami angalanermi tunngavittut immami angallannermik misissuinerit pillugit Søfartsstyrelsinip najoqqutassiaani 10. januar 2011-meersumi piviusunnngortinneqarpoq, taannalu Søfartsstyrelsinip aamma Aatsitassarsiornermi Oqartussat akornanni isumaqatigiissutaavoq. Aatsitassanik atuinissamik akuersissummik tunniussinnginnermi aatsitassarsiorfiusumi immamut angallannermut aamma talittarfinnut talinnernut, talittarfinnut, kisarfinnut il.il. atatillugu ingerlatsinermi pissutsinik immami angallannermi isumannaallisaanermik misissuisoqassaaq.

Pissutsit ilaat misissuinermi nalilersugassaq tassaavoq umiarsuit isumaqatigiissusiorfigineqartut umiarsuarmi aquttumik sumiiffimmi imartamik pisariaqartumik ilisimasalimmik umiarsuarmititaqassanersut. "Immami sikulimmi aquttut/ilisimasortat" nunatsinneersut pissarsiarineqarsinnaappata misissuinermi aamma nalilersorneqassaaq taakku atorneqarnissaannik pisariaqartitsisoqarnerseq.

Søfartsstyrelsen aamma Aatsitassarsiornermik Aqutsiveqarfiup akornanni isumaqatigiissut qulaani taaneqartoq taamaalilluni danskit aamma kalaallit oqartussaasuisa akornanni suleqatigiinnermut tunngaviuvoq, tassani aatsitassanik atuinissamik akuersissummi isumannaallisaanermut piumasaqaatit kingusinnerusukkullu akerusissut suliarineqartarput imaluunniit suliniummi aalajangersimasumi sumiiffimmi angallaviit taamaalillunilu immami angalanermi ajortoorfiusinnaasut nalilersornerannut tunngaviusarluni.

5. Malittarisassat atuuttut Naalakkersuisunit naammagineqarpat, imaluunniit sukaterinissaq pilersaarutigineqarpat?

Naalakkersuisut isumaqarput umiarsuit takornariartaatit angalanerulerneranni issuttumi imartani immikkut angallannermi isumannaallisaaneq pillugu malittarisassat misissornissaannik pisariaqartitsisoqartoq. Taamammat malittarisassanut allannguutissat 2013-imi ukiakkut ataatsimiinnissamut Søfartsstyrelsen nassiussai maannakkut ajunngitsumik isumaqarfigaagut.

6. Ilisimasortassanik piareersimasuutitaqalernissaq Naalakkersuisut pilersaarutigivaat?

Ilisimasortaqartussaataaneq atutilersinneqassappat pisariaqartitanik ilisimasortaqarnissaq qulakkeerneqassaaq. Aallarnisaanermi pilersaarutaavoq naalagaaffiup suliffiutaata DanPilot-ip isumagissagaa umiarsuit ilisimasortaqarnissamik piumasaqaateqarfigineqartut ilisimasortanik pissarsisinnaanissaat. Ilisimasortaqartarneq kalaallit ilisimasortaqartarnermi suliffeqarfiinit ingerlanneqassaaq.

7. Ilisimasortassat nunanit EU-mi ilaasortaasumeertuunissaannik, taamatullu sikusartumi misilittagaqarnerusut ilisimasortassat Kalaallit Nunaanneer-sut, Canadameersut, Norgemeersut nunaniluunniit allaniit EU-mi ilaasortaangitsuneersut periarfissaannik mattussisuusumik, inatsiseqartoqarnis-saa Naalakkersuisut akuersaarsinnaanerlugu?

Kalaallit Nunaanni ilisimasortaqartussaataaneq atutilersinneqassappat ilisimasortaqartarneq DanPilot-ip suliassarinnigilaa, kisiannili ilisimasortaqartarnermi suliffeqarfinnit allanit ingerlanneqassalluni, tassunga ilanngullugit kalaallit ilisimasortaqartarnermi suliffeqafiutigisinnaasaat.

Inussiarnersumik inuulluaqqusillunga
Med venlig hilsen


Steen Lyng